



Nenajavljena posjeta parlamentarnog vojnog povjerenika BiH 3. pješadijskom bataljonu 5. pješadijske brigade Oružanih snaga BiH

Parlamentarni vojni povjerenik BiH (u daljnjem tekstu: vojni povjerenik) boravio je 27.7.2016. u nenajavljenoj posjeti 3. pješadijskom bataljonu 5. pješadijske brigade Oružanih snaga BiH, smještenom u kasarni “Vojvoda Stepa Stepanović” u Bijeljini.

Razlog nenajavljene posjete bio je uvid u stvarno stanje u pogledu uslova boravka i rada pripadnika Oružanih snaga BiH, a s ciljem procjene stanja ljudskih prava i sloboda lica na lokaciji.

Vojni povjerenik je na lokaciji razgovarao s načelnicima odjeljenja, te komandrom komandne čete i pješadijske čete, a prilikom obilaska lokacije obavio je razgovor s vojnicima, stražarskom službom i komandrom straže, u kojem su iznesene određene teškoće s kojima se pripadnici Oružanih snaga BiH na ovoj lokaciji susreću prilikom izvršavanja poslova i zadataka.